

野史


二十六

第七十六卷 德川公族列傳
 騰雲世子 淨光公子
 第七十七卷 德川公族列傳
 性高公子 淨鑑公子 寂林公子

和書門
 一〇三五六
 一二四
 九
 一〇〇册

番號	和	10356
冊數		100(26)
函號		269 35

庫	文	閣	內
二六九函架	一〇〇册	一〇三五六號	和書類






共百
和三千三百九十二號

野史卷七十六

德川公族列傳第一十二



騰雲世子
淨光公子



飯田忠彦
修
男
文彦
訓
點
竹中邦香
校

東照宮有公子十一人。清池夫人今川氏生騰雲世
子信康。長勝院永見氏生淨光公子秀康。寶臺君西
鄉氏生台德公。性高公子忠吉。妙真院秋山氏生淨
鑑公子信吉。朝覺院山田氏生寂林公子忠輝。榮昌

野史卷七十六

公子松千代。相應院志水氏生高嶽公子仙千代。敬
公子義直。養壽院蔭山氏生南龍公子賴宣。英勝院
太田氏生威公子賴房。賴房實爲正木氏之出。賴宣
同母弟也。太田氏請子養之。
松千代爲長澤氏嗣。仙千代爲平岩親吉義子。並夭。
其餘皆自有傳。

○土屋忠兵衛覺書。及翁草引永夜茗談云。此餘
猶有三公子。一甲州叡三井氏女陸奧局所產。文
祿二年。生於那古耶行營。僅七日而母子俱歿。一
稱民部少輔。母信濃叡宮碯氏之姊。號松方。東照
宮四十一歲公子也。天正十一年生於參州。後年

歿于越前。一稱權之丞。初侍女有身。秘未泄。會小
笠原越中守妻死。以侍女賜之。而生男。稱族小笠
原。生長漂流于京攝之間。先是越中坐天主教。改
易。有甲州士西鄉總右衛門者。事宮。連座于越中。
亦改易。嘗與權之丞相識。總右奔大坂。權之丞亦
往大坂。入城。人或謂貴種。爲三十騎隊長。冬役出
城而戰。明年五月七日。出軍于天王寺。或勸歸東
府。不肯曰。我自去年入城。迄今不著寸功。苟偷生
則人必謂逃去。不若竭死力以酬右府之恩。事急
我意決矣。乃與叡戰死。○翁草引永夜茗談云。有

侍女嫉妬。宮厭之。託大久保忠世。寘之遠州二股。會小笠原越中守忤旨。忠世受命幽之二股。越中竊與侍女通。忠世懼以告。宮從容曰。越中有妻否。曰無。曰宜配偶之。乃賜之。生子權之丞。大坂陣前。坐天主教籍沒云。

騰雲世子信康。東照宮長子。而台德公兄也。小字竹

千代。柳營譜零。柳營婦女傳。永祿二年三月生。母今川氏。譜零。

實錄。勇武絕倫。土屋忠兵衛覺書。長于駿府。五年三月。鵜殿長

照為今川氏守西郡城。宮使久松俊勝等攻之。擒長

照二子。會風聞今川氏真將害夫人及世子。石川數

正憂懼欲殉。馳赴駿。與關口氏廣議。請氏真曰。以長

照二子代質。氏真酷愛長照二子。於是悅許。請數正

乃奉夫人及世子而還岡碕。德川記。武德編年集成。尋氏真聞

與織田氏親交益厚。遷怒殺氏廣。編年集。實錄。永祿六年。

織田信長彌修隣好。以其女約婚信康。實錄。十年五

月。信長使佐久間信盛送孺人於岡碕。是為見星平

孺人。實錄。織田軍記。元龜元年。或作二年。加元服。信長授諱字。改

字二郎三郎。譜零。三松傳。實錄。居岡碕城。稱岡碕三郎。實錄。天

正三年。甲斐軍屯大井河岸。宮自小山抵神呂碕。甲

軍在後。信康扣宮轡。請曰。自小山到于此。對敵行軍。

故兒在前。請自此為後拒矣。以年弱故弗聽。再請曰。苟為人之子。臨危後父而卻。豈為人倫耶。苦請。乃與一百騎殿隔水縱銃矢。傍河岸而陣。宮乃整旅而引。信康亦嚴備而還。甲軍怖而止。土屋覺書、五年八月、三河物語武田勝賴率師二萬。侵略橫須賀。而來屯濱松近邑。宮及信康距橫須賀四町程。北陣于丸山。出兵於海濱相抗。中間有江。縱銃相挑。信康與鈴木長兵衛邏騎。進到敵陣頭。僅去二町餘。回轡請接戰。宮謂彼眾我寡。且隔險阻。莫奇策不可戰。乃止。君臣言行錄信長狩于吉良。宮饗之。臨其歸也。宮下騎褰裳而從。信長問

曰。三郎殿何如。信康後馳。及岡碓街口。相並下騎。信長亦下騎迎揖。其剛勇所憚如斯。土屋覺書夫人今川氏。性妒悍。狹媚道。侍女愛寵者。輒陰殺之。或極其酷虐。宮廢之。夫人遜于勢越之間。信康私迎寘之岡碓。信康言行荒戾。好躍。見裝飾不麗者。乃射殺之。出放鷹。遇僧于途。則必執繫之馬尾。驅奔拏殺之。酒井忠次。大久保忠世驟諫。弗聽。大三川志、逸史、武家譜、勸懲錄○大三川志載。忠次。忠世等。記世子剛戾暴亂之狀五事。上東照宮。宮覽之曰。汝等諫之否。雖賢良。非無過失。而况年弱者乎。以諫爭不納。故告矣邪。

二人對曰。世子嚴猛。唯恐徒被戮。是以莫敢諫者。宮歎曰。無下比子胥者。不諫亦理也。二人懼而出。宮使平岩親吉作書。以試世子。世子於是禁逸遊燕飲。而剛暴猶弗悛云。

夫人今川氏嫉忌平孺人。織田氏亦妒。失愛於夫人。夫人短之。信康寵日衰。夫人會有疾。與甲醫滅慶。遂萌禍心。欲行大事。立信康。潛勸之。與武田氏通好。共滅信長。以割取其國。令滅慶如甲請焉。勝賴悅許之。夫人密為其備。恐信康不從。未發也。勸懲錄七年七月。侍女漏洩其謀於孺人。孺人馳人告之信長。且

狀信康十二罪曰。信康雖未與逆謀。然其人如此。異日之變。不可測矣。常山紀談、逸史信康亦以為信長女婿。故驕泰侮人。佐久間信盛曾抵岡碕。信康遊獵遇之。途騎馬曰。右衛門奚為來耶。實錄東照宮享信盛。土屋覺書佐久間勝。信盛曰。頃有寒疾。請免取黃帽被之。信康更服而見之。禮畢。信盛復稱疾被帽。信康忿其悖禮。趨進投卻其帽。罵曰。汝不待應而被之。非禮也。土屋覺書、紀談信盛恚。而憚威嚴。不得發。而歸安土。構譖曰。斯人不必立公之下風。且謂與甲通交。恐其為變。實錄會酒井忠次赴聘焉。信長延之。按狀詢實。按大二三川志、言其十事、餘二事秘而不問、

莫_三知_一忠次嘗惡信康為人。媒_三藥_一之。忠次勲舊重臣。而宮姑夫也。信長信之滋怒。乃曰。子歸謂子君。事勢若茲。不可不決意。忠次往岡崎不入。信康疑有變。不自安。忠次還以告。宮愕曰。信康不免矣。平岩親吉爲傳在座。進曰。世子壯武無倫。罪未暴白。而遽正典刑。君後必悔。臣爲傳亡狀。有死已。請且幽世子。以啓自新之路。函_三臣首_一以謝信長。信長怒或釋。官曰。言雖忠。予意決之。實以不得止也。先忠次盡言。今雖萬謝。不可聽。令_三子死_一於予恥之恥。損之損也。紀談、八月三日。宮如岡崎。實錄、三日。使松平家忠守西尾城。備變。實錄、四日。

信長使人來言曰。信康心邪行僻。不堪治國之器。速不謀則後必有禍矣。是日。放信康于大濱。御年譜、大川志、作八月朔、信長使者至、五日。信康造岡崎哀訴。弗聽。逸史、大川志、四、九日。復遷遠江堀江。御年譜、十日。幽二股。使大久保忠世鑒護。編年集、成、二十九日。使村越直吉。賜死于今川氏。信長忿未解。平孺人意未平。御年譜、婦、九月十五日。遣服部正成。天方通綱。賜死信康。信康臨死顧曰。我有過失。無由解謝。惟恨遺叛逆之誹於後世。嘗我所不爲。固盟大小神祇。遭冤今既自盡。子等以此一事。宜明白家君。以照我冥關。已而伏劍。顧正

成命介錯。正成悲泣不能起。通綱憐苦楚。強起相焉。時歲二十一。具狀而聞。宮曰。半藏雖勇。遭信康死期。勢脫乎。當然矣已。御年譜。岩彌夜話。土屋覺書。法名隆巖長越。號騰雲院。德川傳記。編年集。成。三川實錄。一說。

○今按土屋忠兵衛覺書作龍巖院。參州實錄。歷代風土記一說作常法院。大三川志引談叢一說云。達巖善通。大樹寺作常德院。隆巖長越。信康乳母建一寺。稱騰雲院。宗廟祭名錄。二股清瀧寺牌。子。並作清瀧寺。或云。法名松翁道樹。又按一說云。初號清瀧寺。達巖善通。延寶六年九月。改今諡云。

信康性勇猛暴烈。臨軍陣則顏色變相。毛髮森立。宮目曰。恰肖摩利支天。後年幸若奏滿仲曲。宮曰。忠臣不能見焉。忠世聞之幽居。他日忠次患眼。告曰。臣老矣。請令豚兒仕。宮曰。子亦知愛情乎。忠次慚懼。常山紀談。信康有二女。並平孺人之出也。長女為東照宮養女。適小笠原秀政。次女適本多忠政。

淨光公子秀康。東照宮第二子。台德公庶兄也。小字於義曆。譜畧。三松傳。藩翰譜。母永見氏。宮愛之。浴室有身。盛衰記。清池夫人妒忌。因失旨。出依賴姨夫本多氏。勸懲傳。或云。夫人妒忌。剝長勝姬衣服。為赤裸。繫縛棄之濱松城中樹林之間。時本多重次為留。後夜間聞婦泣。

啼哭怪往問天正二年四月八日生秀康於參州產
 見村三松傳初學生其一不育婦史傳本多重次竊
 育之以聞信康信康喜而撫養焉藩女傳四年宮如
 岡碕信康承間出見之宮乃使重次護視焉藩家譜
 十二年十月羽柴秀吉請成而後請養公子一人以
 爲子宮許之以秀康充焉是冬十二月秀康始赴大
 坂石川數正子勝千代重次子仙千代陪從焉實錄
 先是宮割邑一萬石充資料是時倣粧既發軫實錄
 留參河地京師及大坂界浦有技藝者來賀始習謠
 於此武家譜秀吉得而愛之授族羽柴及秀字實擬質

云武家譜給以河內田一萬石藩家譜十三年七月叙
 從四位下任侍從兼參河守武家補任三松傳○或
 將而後秀吉欲使東照宮西上晤語而芟夷四海未
 嫁女弟促之宮嚴戒弗聽秀吉造蜚語曰宮如不入
 朝則秀吉將害秀康宮傳聞謂吾不以秀康爲質彼
 養爲子如殺則彼之不慈也吾何與焉長勝姬聞浮
 說驚歎密奔大坂重次亦訝誑召其子殊遣兄重富
 子源四郎給仕秀康藩家譜十四年九月秀吉送其
 母天瑞大夫人干參河宮入朝武家譜十五年秀吉
 伐島津氏與羽柴秀勝從師徇日向蒲生氏鄉前田

利家爲先鋒。攻巖石城。秀康及佐佐成政。水野忠重爲次隊。攀山至半腹。城已陷。先鋒馳入報捷。秀康時十四歲。悔恨其不及。成政歎稱焉。武家譜、武十六年三月。任左近衛權少將。逸史、十七年。秀吉試騎于伏見馬場。秀吉馭士相駢。聲控頗狼藉。秀康馳驅之際。斬之馬上。衆騷搖。秀康自若曰。雖馭士與我駢馳者。豈不侈耶。武家譜、十八年春。結城晴朝使臣多賀谷安藝來請。晴朝齡及半百。有女無男。願得公族一人。以紹家祀。秀吉曰。以於義丸界之。安藝謂將命者曰。所謂丸者爲孰也。秀吉隔坐應聲曰。是吾子也。女曷疑焉。武家

譜、八月。晴朝親迎修婚。而告老閑居。讓領邑十萬。千石於秀康。武家譜、改名秀翰。後復今名。三松傳、十二月。宮親伐陸奧。秀康從督諸部。榊原康政爲先鋒。伊達正宗懼。因淺野長政。謝罪班師。文祿元年三月。率兵一千五百。抵那古耶行營。豐臣家譜、慶長二年九月。任參議。公卿補任、四年春。伏見恟恟。諸將或謂殺石田三成。以訴官。宮開諭再三。使三成辭職歸。佐和山城。秀康携兵護送。抵大津而別。三成厚謝。贈以正宗刀一口。武家譜、九月。宮如大坂。巷說紛紜。兵士離群。或驅大坂。宮使伊奈今成召兵於伏見。在留六隊。士折

其二。馳到大坂。四隊留衛。秀康制之曰。天運之類。雖幾百萬。莫及矣。預計畫隊伍。以授今成遣之。宮覽之曰。勝父遠矣。藩翰譜、武家譜五年七月。從宮于東伐。在小山行營。二十四日。宮迎秀康。告上國之變。且問計。秀康對曰。以愚意。則先西討矣。景勝雖強將也。擇一隊將帥。爲之壓足矣。宮頷之。落穗集明日。命秀康以備會津。時本多正信侍座。秀康顧正信曰。西討大事。當前鋒效死力。今日之命。殊非所期。假令忤嚴。請固辭。宮曰。兵法。踰國遠征。以擇留任爲要。且今日之事。列侯當送任子。非汝無以係衆心。秀康曰。苟欲安群心。弟野州在焉。

宮作色曰。我一舉趾。變難測。且景勝擣虛而進。黃口兒。焉能辨之。女不言乎。景勝勁敵。當留重將。景勝誠桀驁。汝蓋畏之耳。秀康踈俯伏曰。謹聽命。然留任比西舉。則十之一。且孤獨豈如漆膠兵哉。臣留此。不令景勝出白河關寸步。閣下蔑有東顧之憂。正信進拊其膝。出涕曰。壯矣言。宮亦泫然泣下。取鎧一領。與之曰。是令敵未見總角環物。用酌重任。落穗集、逸史乃駐兵一萬餘。屯宇都宮。蒲生秀行。里見忠義等隸焉。東北諸城主。各嚴守備。爲應援。藩翰譜、落穗集尋秀康巡視蘆野大田原之地。聞景勝出在白河。遣人謂曰。頃聞卿

出陳其地內府西上。寡人留後。無事間暇也。請試一戰于野間乎。景勝答曰。寡人嘗無對抗之意。借雖莫誘命。接戰亦所欲也。然家有規則。時人之亡。住伐之。從先人以來所未為矣。乃拂陣而去。集落未幾上國悉平。莫敵一人。秀康曰。侵伐單弱以為功。仁者所不為也。乃回師。慶長記赴伏見。論功頒賞。官謂封秀康於播越之間矣。秀康顧左右曰。孰可矣。長谷部休樂對曰。宜越。曰。諺不謂乎。一播二越。然則取一矣乎。曰。夫越地強嶮而不隘。且為北州綱領。豈可換播耶。武家譜遂封越前六十七萬石。三松傳實錄藩翰譜。明年遣本多富正

占北莊城。五月始就國。是歲冬大雪。行路杜塞。秀康怒。罵休樂曰。汝曷誑我。俾臻此雪國乎。武家譜秀康入國。正紀綱。撫臣民。簡才能。興廢絕。課農稼。省賦歛。綏商旅。恩威並行。封內悅服。武家譜七年七月。如江府。途歷碓氷關。關新奉命。禁遏諸將齎火器。於是關吏譏而固拒之。秀康忿曰。如他諸侯則可。若等不識我乎。抑慢我乎。言甚倨。左右兵士應命為擊之。吏懼而止。馳愬之。官曰。若等洵不知人。得保首領幸而已。武家譜逸八年正月。辭參議。補任御三月陞從三位。補任略譜九年五月。將如京師。遇福島正則于途。正則請問曰。

十一

故太閤養公爲子。廼與秀賴爲昆弟。大主千秋後。請善視之。愚亦竭力奉之。秀康疑其有異圖。遂絕之。史逸
○武家譜云。天下群侯。自聘至越前。或馳使者祝賀。福島正則平日與秀康善。脩禮來。秀康自迎諸郊。挽入城。盡款。正則戲謂老臣曰。他日某亦請地于郊外。欲營邸舍。自今屢來訪卿安否。秀康微笑。正則退。秀康送到次座。正則慇懃掛諸老曰。吾儕從來因卿之厚遇。豈遺失耶。卿若有大事。則我爲左袒。要弗食言。然秀賴在世之際。不能專情。所以故太閤有遺旨也。他日。秀康聞之。悅曰。吾豈失信

邪。○又或說云。秀康侍坐宮。譚及國家之事。宮曰。子既約爲太閤養子。秀康攝衣曰。然則義與秀賴爲昆弟。明矣。宮默焉。
十年四月。補任七月任權中納言。補任落穗集藩翰譜十一年正月。辭。補任頃年秀康菲已儉事。而憫士民。卑禮厚幣。以招賢良。天下俊傑及商旅。歸者日多。武家譜十二年。爲伏見處守。三月。以疾告歸。史逸閏四月八日。薨。歲三十四。武家譜追疾病。遣阿左局於駿府告狀。東照官隣哀曰。予嘗以爲封邑不足。欲加近江及下野田。併爲百萬石。以俟疾瘳。女歸以告之。書以昇焉。局抃躍



而歸。途遇訃使于岡部。俱適駿以聞。時宮與人圍碁。聞訃愁歎。局返書謹曰。內旨也。不可漏。他日越家人聞之。悔憤婦女猿智。落穗集秀康英武有餘。又能留心於政事。舉世惜之。逸史法名森巖。道慰運正。號淨光院。武家譜三松有六男一女。長忠直。次忠昌。次直政。次吉松丸。本多富正養之。次直基。次直良。女為台德公養女。適毛利秀就。

忠直。小字長吉。母蓮葉院結城氏。三松傳秀康薨而繼封。使弟直基承結城氏祀。慶長十六年三月元服。台德公賜諱字。叙從四位下。任左近衛權少將。兼參

河守。三松傳譜十七年九月。老臣久世但馬等。私啓府庫分貨財。既而爭權相惡。但馬邑民殺岡部伊豫邑民。伊豫屢責償於但馬。弗應。竹島周防調停之。伊豫怒。欲赴愬以其竊藏中之。馳及彥根。忠直懼其殃國也。使人止之曰。我必右汝。乃還。忠直使但馬與伊豫訟獄。但馬不肯座。今村掃部與其黨乘弊。譜伊豫及木枝主殿。往東府。主殿奔高野。十月十九日。但馬閉邸授甲。忠直使本多富正。多賀谷泰經圍之。但馬縱火。與一族從者殲焉。明日。弓木左衛門。上田隼人。竹島周防等自殺。逸史周防悉戮其黨。閏十月。掃部等

欲併陷富正。逸史、並、載、周防已專政。遂適忍。愬其專橫誤國。東照宮曰。予當與共斷之。因復如東府。十一月。宮親召富正。及掃部。清水丹後等。逸史、並、載、周防聽其獄。十二月。以富正辭直。流掃部于仙臺。丹後于岩城。令富正相國務。逸史、載、周防、以、囚、名、為、恥、也、途、自、殺、之、明年三月。訟獄復起。六月。下令曰。騷亂再發。因主弱也。自後富正當執國務。乃賜丸岡城於富正成重。以為忠直之相。實錄、逸史、大坂冬役。帥師二萬。備茶白山。十二月三日。加賀師攻真田郭。而不利。忠直聞之。明日進師赴攻。死傷者多。不克而罷。德川記、難波軍記、夏役。五月五日。夜。忠直陳于

四條。啜。終日沉醉。臣士持重不及。明夜富正成重。大坂野記、水、抵千塚行營。問明日之計。東照宮嘗曰。凡行旅之軍也。唯以遇敵為期。若等假寐。不知今日之戰。明日之事。既課命加賀也。憊懶夫。何謂乎。二人惶汗而退。言於忠直曰。大旨嚴重。明日君不可不努力。臣等請以死從事。忠直奮曰。明日乘城而死乎。與加賀鬪死乎。闔軍宜與我同死。逸史、大坂、吉田修理曰。臣能諳路程。請為先驅矣。是夜四更。整旅於八尾。積。歷久寶寺。藤堂氏兵隘之。佯對曰。越師為明日先鋒。到平野。賀師亦扼之。修理對曰。寡君奉天王寺先鋒也。



當是時。賀師爲岡山先鋒行軍。修理進師。橫衝列伍。踰堀越須田。黎明到天王寺南而藉陳。大坂記、富正成重見城兵出。舉狼烟將戰。馳使番報中軍。忠直不跪而呼餐。食畢被胃。笑謂左右曰。我已飫。必不墮。餓鬼道。直到閻魔廳耳。上騎揮鞭而馳。大坂記、大坂日記先隊成重登高阜。以窺機。見城兵擊內藤忠興等。自揮麾。一軍鼓譟。直衝突真田幸村隊。幸村亦麾衆殊死戰。將酣。會大野治長從幸村隊中走入城。城兵散亂。乘機奮擊。鋒刃甚銳。忠直躬自捨槍健闘。馘敵二人。吉田修理。荻田主馬率偏師蹙之。土民等曾聚生玉邊。

望之離散。相呼城兵敗矣。於是城兵挫衄。血流成渠。後隊崩潰。前軍敗走。野本右近獲御宿正倫。西尾久作。率統手馳驅。獲幸村於衆首之中。按逸史作幸村。刺擊者數。疲而憩。樹尾久作進擊殪之云。餘衆敗績。逐北至安井。斬首三千六百五十二級。大坂日記、落穗集、大坂陣首帳。忠直至船場。命燔市屋。城中有內應者。焚治長邸。忠直遂自高麗橋奪京口門而入。揭幟於城上。水野勝成繼之。諸軍皆破門而入。修理追敵于天滿。濟河溺死。大坂記、落穗集。尋忠直到茶白山。見宮。宮執其手曰。真吾孫。逸史。追宮入二條城。召富正。成重問衝加賀軍而出戰之狀。富正對

曰。屬下吉田修理率一隊。向城奔馳。士卒恥爲之後。爭馳。特中軍非可遺留。俱尾修理。而到茶白山下。則黎明。兵刃既交。故俟軍平。欲問譯於彼。彼既溺水而死。不得糾其實云。集落種閏六月。賞功陞從三位。任參議。公卿補任。御日記。忠直誇功之多。憤賞之卑。謂苟我先君爲太公之子。僅封一國。我亦繼其箕裘。借雖功少。爵位奚爲難得矣乎。自此漸漸豪縱放逸。不事國務。東照官薨而後。益無所忌憚。荒淫酒色。喜怒無節。失參府之期。爭臣驟諫。發國中途逍遙山野。以延期月。或稱疾還國。毫有忤意者。手刃之。叨殺諸臣。戮無辜。裂胎

婦。盛衰記。藩朝譜。一日。縱鷹於郊野。望見婦女摘菜者。顧左右曰。彼婦有身矣。疾率來。我將試焉。岩礪大膳乃馳到見。實妊婦。意竊怜之。自取其菜歸報曰。非娠。懷菜也。婦因得免。忠直性畏雷。雷鳴則命諸士。多上屋棟。以避焉。武林隱見錄。翁草。暴行超過。諫爭者多遇戮。台德公慮親室之故。以俟自新。暴戾益甚。元和八年五月。遂配忠直于豐後荻原。給穀五千石。三松傳。譜。零。藩朝譜。剃髮號一伯。尋遷居津森。藩朝譜。盛衰記。慶安三年九月。薨于配所。歲五十六。藩朝譜。翰略。藩朝譜。法名相譽蓮友。號西巖院。譜。零。祭名錄。有老臣杉田壹岐者。一日忠直歸自鷹野。壹岐迎之。

野史 卷七十六 十六

階下。忠直曰。田獵酷樂。壹岐頓首對曰。一言乃國家
敗亡之基。忠直勃然變色曰。何之謂矣。曰。君每好遊
畋。士民困窮。或謂列伍。或罵夫卒。手殺放逐。莫所措
手足。衆畏忌如鬼魅。然今日衆竭死力。馳驅山野。故
所獲亦多。君以爲樂。是則社稷傾覆之兆也。忠直震
怒。將自劬。壹岐前坐曰。是臣素望也。益進。伊藤
玄蕃側把刀坐。謂曰。請退。壹岐瞋目怒曰。趨也。玄
蕃。非汝等所能知。左右與諭。壹岐退下。忠直入。諸老
暗。壹岐曰。危矣哉。答曰。我志也不然。始我自匹夫。
今既列老。爲君遇殺。是我所渴望也。告退歸家。是夜。

忠直召壹岐急。壹岐預決死而出。乃召之坐下。對食
謂曰。前言我甚慚愧。今當食不下喉。故欲待汝許可
而已。壹岐感泣。歎悔過之新。忠直食畢。予佩刀曰。是
我先所按也。雖暴戾。亦有所不掩矣。誠家手錄。忠直
鳩巢小說。忠直
配天崇夫人。生光長及二女。長女爲台德公養女。配
彈正尹好仁親王。次女爲大猷公養女。配關白藤原
通房。忠直在謫處。生二男一女。男曰長賴。字市正。寬
文七年。歿。次曰長良。字大藏。並稱族永見。列臣籍。女
嫁小栗正矩。三松傳。譜
略。藩翰譜。
光長。小字仙千代。天崇夫人所生也。忠直配流之後。

遷忠昌封越前。以忠昌領高田城。越後二十四萬石封仙千代。天崇夫人悲曰。嗣子今雖幼不可廢。公務令叔侄更封。似無謂。乃命老臣守備戒嚴。幕府命開諭解嚴。婦女傳、翁草、傳寬永六年四月元服。大猷公賜諱字。叙從四位下。任左近衛權少將。兼越後守。藩松翰譜、慶安四年十二月陞從三位。轉中將。三松傳、武家、補任、藩松翰譜、初光長承封。憐恤士民。荻田隼人。小栗五郎左衛門執國務。舉能選賢。庶民豐殖。二人死。而後小栗正矩及荻田主馬代執事。正矩性奸慝佞媚。二家分析樹黨。正矩辭職。片山主水代之。群士騷擾。家事不整。事聞東府。

延寶七年夏。府命召主馬。及永見長良等於東府。檢覈決罪。而幽長良于長門。主馬于出雲。與黨三人。各徒流。九年正月。再召長良等五人。考覈根問奸黨。六月。召長良。主馬。正矩於殿中。常憲公親自檢問。遂定其罪。賜死於正矩。及子大六。流長良。主馬於八丈島。黨與流竄有差。光長座大不敬。六月二十七日。流于松山。藩松翰譜、越後騷動記、○給穀一萬苞。三松傳、貞享四年。遇赦。賜穀三萬苞。尋復爵位。三松傳、元祿十年老。寶永四年十一月薨。歲九十三。三松傳、譜、法名開心一法。號慧照院。續藩松翰譜、考、諡子綱賢。叙從四位下。



任侍從。兼下野守。為左近衛權少將。延寶二年。先卒。
養長賴子為嗣。是為綱國。叙從四位上。任侍從。兼參
河守。座父事配于福山。後遇赦。剃髮。號更山。於是光
長養支族侍從直矩子長矩為嗣。長矩叙從四位下。
任左衛門督。改備前守。承光長後。任侍從。元祿十一
年。賜津山城美作邑十萬石。陞左近衛權少將。改越後
守。文昭公賜諱字。改名宣富。享保八年。卒。子淺五郎
嗣。而天。使庶族知清子長瀨為嗣。削采邑之半。稱越
後守。叙從四位下。長瀨五世齊孝。稱越後守。養文恭
公第十四子齊民為嗣。後邑為十萬石。叙從四位上。

任左近衛權中將。告老。齊民嗣立。是為越前嫡家。
忠昌。小字虎之助。母蓮葉院。三松傳慶長十七年。落
集作十兄忠直老久世。但馬等姦黨作亂。事聞東府。
六年。忠昌每侍台德公。聞國有亂。往見老中。請賜暇。或問
其故。曰。頃聞北莊有亂。請往與兄議。以欲鎮平。時歲
甫十六。諸老嘉其志。以聞。東照宮曰。黃口兒不能。乃
命召其黨於東府。根問糾其罪。亂平。落集十六年。大
坂之役。從師于岡山。難波戰記元和元年正月。叙從四位
下。任侍從。兼伊豫守。台德公賜諱字。三松傳夏役。赴
侍幕府。為本多正信相備。六日夜。因請曰。明日之戰。

願屬忠直隊下。聽可。即請拜謁。正信制止。忠昌曰。我死在明日矣。正信感忠。請令見焉。落穗集。七日之戰。忠昌躬自揮十文槍刺敵。令從者馘之。城兵念流左太夫延槍突忠昌。忠昌與鬪。亦刺之。進騎奮勵士卒。先登黑門。遂破天王寺口。直衝入城。獲首五十七級。越前家傳。日記。大坂津首帳。及軍平。請將見東照宮于二條城。忠昌時領上總姊碯一萬石。在第三列。宮出見。衆俯伏稽首。忠昌特揭首。自呼曰。伊豫守在焉。宮覽之曰。子亦躬有功也。大坂日記。二年。賜川中島。信濃。城邑十二萬石。日記。三年。徙高田城。越後。倍賜采邑。潘翰譜。三松傳。

寬永元年。轉封越前五十二萬五千石。潘翰譜。治福井城。武家譜。三年八月。陞參議。叙正四位下。正保二年八月。薨。歲四十九。武家譜。三松傳。法名覺翁。貞真。號隆芳院。高野山墓碑。忠昌有膂力。善識鑿人。委任杉田壹岐。坂井與三右衛門等。初忠昌嗜酒酌飲。壹岐亟諫。與與三竭力。置國家於泰山云。紳書。青山宗俊徒流。輿論除嚙。忠昌語人曰。食雖繫人命。多食則傷胃。萬事皆然。過則如不及。人臣諫君者。雖國寶也。亦復然。如雅樂讚岐。可謂鹽梅應節。伯耆踰規矩。卻害其身。是則與食傷同云。草。子光通。

光通襲封。叙從四位下。任侍從。兼越前守。爲左近衛
權少將。三松傳、譜光通恭謹質直。善守父祖遺訓。明曆
大火後。賜邸於靈巖島。寬文八年二月。火起。光通上
舟繫邸下。會潮澗不能行舟。火延燒居邸盡灰。炎烟
翻飛。別舟皆火。光通殆危。警誠左右曰。我若燒死。則
汝等該截抽我衣服記號。慶安中。大猷公薨。諸將羣
參西城。光通大呼曰。世子尚幼稚。如有窺窬者。我爲
將師赴伐焉。寬文初年。堀田正信私歸佐倉城。一年
少某。單騎從之。府中傳說。麾下競欲祿之。石谷貞清
要之曰。某嘗約越前侯。乃以薦之。光通不可曰。我家

人雖少年微弱。亦莫可後我者。今稱他人能祿浪客。
我不爲也。翁草延寶二年卒。三十四歲。三松傳、譜光通欽
仰伊藤仁齋德業。將致幣物。命遺河魚一千隻。左右
曰。仁齋方丁母喪。恐不肯鮮食。光通曰。仁齋丁喪。獨
不有父之可贈乎。乃貽河魚一簣於其父。光通有雄
材。能禮下。迄草莽如此。蓋管錄、續叢語次昌勝。剖邑五萬石。
居松岡城。叙爵稱中務少輔。進從四位下。轉大輔。卒。
子昌平嗣。叙從四位下。稱中務大輔。後承吉邦後。次
昌親。剖邑吉江田二萬五千石。叙爵稱兵部少輔。兄
光通卒。併采邑繼宗家。領四十七萬五千石。任侍從。

先是叙從四位下。轉兵部大輔。初光通愛侍女。舉一男。名直堅。稱字權藏。憚室家之妒忌。秘匿。偽謂無子。以弟昌親為嗣。直堅居越前田野谷。長而審知。延寶元年。奔憑叔祖父直良以聞。殊賜稟米。後賜糸魚川田一萬石。叙爵。稱備中守。子孫世侯。昌親亦無子。取兄昌勝子千菊丸為嗣。而告老。千菊丸叙從四位下。任侍從。兼越前守。名綱宣。改名綱昌。為左近衛少將。貞享三年。有心疾。國除。更賜二十五萬石於昌親。復承宗祀。任左近衛權少將。譜略、三元祿中。幕府下命。嚴禁殺生。昌親及權中納言光國縱鷹如故。一日昌

親縱鷹于郊。郊係公田。鷹匠等蹂躪田畝。農夫忿罵。昌親命斬農夫。代官某訴之。老中小笠原長重曰。因律斬殺。是農夫之過矣。元祿中。居第延燒。時昌親為寬永寺拒火。親督士卒。往警衛中堂。顧謂左右曰。斗南。小鹽何如。誰認之來。一侍臣馳歸。報曰。邸舍皆灰燼。特斗南。小鹽無恙。蓋昌親愛牡丹。斗南。小鹽其卉銘矣。翁元祿十五年冬。賜葵章。踰年賜諱字。改名吉品。或賀之。答曰。葵者素家之記號。不足以為賞。諱字實殊賚也。寶永元年。東府地大震。吉品受命。修神田門橋。備夫等無賴。吏捕處斬。夫頭悲訴之。町奉行奉

行咨詢之。吉品答曰。備夫與皂隸。豈有異耶。犯法者。不得不刑。是我國制也。若訴冤者。請賜之。併處法耳。欲懼而止。翁草勢免手吉品寬仁愛人。嘗好田獵。放鷹於郊野。鷹攫鳥。謬與墜地。觸狗首。狗獐咬鷹。狗爲老臣酒井典膳所畜。典膳懼而屏居。禁錮牽狗奴。而俟命。歷日不出。吉品恠問。左右對以實。笑曰。典膳何罪之有。聞率狗奴。聞狀曰。是鷹之不幸。以禽獸必勿罪人。又造樓閣於海濱邸。延糯珠代障紙。一匠人過毀糯珠。吏禁錮之。以告吉品曰。我將眺望。用糯珠障紙。事涉遊戲。再勿造焉。強請正其罪。曰。渠豈求毀之。

爲耶。人之爲過也。我亦不必不爲。必勿辜焉。武家秘錄吉品無子。養昌勝六男昌邦爲嗣。昌邦本名昌尙。叙從四位下。任大炊頭。賜諱字。改名吉邦。任侍從。襲封。任左近衛權少將。改伊豫守。享保六年。卒。四十歲。譜畧續藩吉邦瞻視正。容貌殊美。一年居第外廂皆火。殿房特存。諸老家人皆謂。假居于外坊。吉邦曰。吾室不燒。何假舍之有。遽命以屏風。戶障襖。縱橫間隔書院。廣間。以居焉。又召儒伊藤宜齋講經書。而曰。講讀中。不論儒佛。有益之語。敢莫隱匿焉。翁草引鳩集小說吉邦亦無嗣。支庶昌平併先采邑五萬石。承宗祀。任侍從。賜諱

字。改名宗昌。無子。養支族知清子昌昭爲嗣。享保九年。宗昌卒。昌昭繼立。賜諱字。改名宗矩。叙從四位下。任侍從。拜兵部大輔。爲左近衛權少將。續譜、譜畧享保二十年十月。嫡宗長照卒。無嗣。宗族商議。定同族宣維二男爲嗣。其餘猶有一人。以當繼。或謂宣維適子年猶幼。不可莫換嗣。以其他決矣。事聞。乃召宗族。老中松平乘邑傳命曰。可決。宣維二男。宗矩離次曰。宣維適子幸千代尙幼。若有變則何如。願以他爲嗣矣。乘邑曰。有變則僕宜計。請莫爲念。宗矩攝衣曰。足下之職一世。幸千代之家奕世也。請歷公裁而拜命矣。

乘邑乃以聞。而後拜命云。十一月。幕府召群侯。書以誠列侯乖道悖行者。備令披讀之。聯坐追次。讀到宗矩。宗矩正色曰。如命謹聞之。雖然我宗族未有悖戾公道者。不讀而可矣。惟命之聽。熟慮而拜焉。伊達吉村曰。卿之言是也。抑此書之爲旨也。非對諸卿誠之。雖羣侯讀之亦無妨。於是宗矩一讀了。武林隱見錄宗矩無子。養覺了君宗尹長子重昌爲嗣。重昌嗣而卒。弟重富嗣。至正四位下。左近衛權中將。子治好加封邑二萬石。世世傳稱越前本家。子孫相襲。直政。小字河內丸。改國松丸。藩翰譜、母小田氏治女。

直政歲甫十四。大坂兵起。小田氏誠曰。君者淨光君之子。太公之孫也。諺云。桀檀馨於嫩條。稟生於弓馬之家。稍成童。是役不樹功。更不可有期矣。謬負怯名。則人必謂父雖將種。因賤出。實令然也。君倘不樹殊功。則今生不可再見矣。直政嘗膽勇。聞誠益雄。十二月四日。追越師與賀師。爭攻真田郭。直政先登。與敵接槍。潘翰凱旋之日。東照宮召直政曰。予聞女見敵而走。有諸。對曰。苟逃走者。奚爲得有今日之言乎。不辯而已明矣。君臣言行錄元和五年。叙爵。稱出羽守。九年。賜大野田越前五萬石。尋叙從四位下。任侍從。加邑。徙

松本城。信濃寬永十五年。轉封出雲十八萬石。管隱岐。寬文三年四月。受命朝京師。勅進正四位下。左近衛權少將。辭階一等。拜從四位上。六年二月。卒。六十六歲。三松傳法名順譽。一空道喜。三松傳道號高真院。武家譜子綱隆襲封。次近榮。叙爵。上野介。次隆政。叙爵。右近大夫。並剖予食邑。子孫世侯。綱隆玄孫宗行。小字幸千代。甫十一歲。初見有德公。因故事。賜盃。侍臣謬滿酌。衆危懼。公曰。執酌之過也。宜撤。強飲恐有害矣。左右進以三方。國俗公卿以上盛宗行戴盃少飲。撤餘瀝於我左袖裏。色不少動。爲人宏濶。不拘細

節。戲學畫。試彩色。淺深於衣服。及氈席。每汚更藉。滋
手錄公實告老入道。號南海。天明二年卒。歲五十四。
子治鄉嗣。任出羽守。至左近衛權少將。老後號不昧。
亦有宏度。好茶事。文化十五年卒。歲六十九。子齊恒
嗣。世襲封。

直基。本名忠朝。小字五郎八。母三好氏。幼而承結城
氏祀。武家譜叙從四位下。任侍從。兼大和守。再轉封姬
路城。播磨十五萬石。為西國旗頭職。慶安元年八月卒。
歲四十五。法名鐵關道無。號佛性院。子直矩嗣。徙村
上城。越後任侍從。兼大和守。再遷復姬路城。天和二年

二月。坐事削采邑。徙日田。豐後食七萬石。貞享三年。加
三萬石。徙山形城。出羽元祿五年夏。復加邑五萬石。移
封白川城。陸奥八年四月卒。歲五十五。藩翰譜備直矩
詠歌曰。加幾里阿禮婆。志良奴武可之仁。加遍留奈
利。安土波加波良奴。豫豫乃都伎波南泥。直矩有多
子。長基知。次宣富。繼嫡宗光長後。次知清。正德二年。
頒白川邑一萬石。叙爵。稱主稅頭。子明知嗣。後為基
知養子。基知繼父。叙從四位下。任侍從。兼大和守。備
系資性寬柔不貪。事母謹孝。善馭術。撫愛士民。享保
四年冬。領下邑民羣起。薄前門。訟曰。願賜郡奉行杉

浦德左衛門。寸斬割食而後請就刑戮矣。羣叫歷日。殆及數萬人。掖口罵詈曰。獲杉浦。乞德左。喊聲如雷。諸士不能入城。行旅爲之杜絕。初基知府庫匱乏。益歛庸賦。逐卻舊吏。登庸奸慝。新吏土岐半之丞。專家事。有愬非者。嚴罰之。賦稅日課。租貢年重。是以愁訴之。乃命禁錮奸吏。復租賦于舊制。羣民罷散。白川古事考。翁享保十四年八月。基知卒。歲五十一。養子義知嗣。義知。木名明矩。實支族知清子。叙爵。稱相模守。改兵庫頭。承基知後。稱大和守。備考。是秋閏九月。家士莊司一平等九人商議。往愬本宗。宗矩曰。奸兇執家事。

士民困蹙。欲愬之。邪佞奸曲阻撓之。事狀不得達。臣等雖死不辭。惟願顯戮姦兇。保父邦家云。士庶相尋歎訟者。凡四百六十人。宗矩乃與同族親庶會議。幽國老山脇權之助。及豐田登等七人。悉放逐姦佞。騷亂始平。古事考。是冬。叙從四位下。後任侍從。寬保二年。移姬路城而卒。子朝矩嗣。再移治河越城。武藏。子直恒嗣。卒。子直温嗣。卒。弟矩典嗣。稱大和守。賜蔡章。天保六年。文恭公賜諱字。更名齊典。至從四位上。左近衛權少將。十二年。加賜二萬石。養隆章公子齊省爲嗣。齊省蚤卒。

野... 史... 卷七十六

直良。小字長光丸。賜大野城前越采邑五萬石。叙從四位下。任侍從。兼但馬守。延寶六年六月卒。歲七十五。法名光譽。徹源。號松嚴院。子直明。叙爵。稱若狹守。叙從四位下。繼父任侍從。天和二年。加一萬石。移明石播磨系圖。元祿十一年秋。今按十一年誤宜作十一年美作國主森氏。坐事國除。直明受命。往收津山牙城。酒井忠圀守羅郭。田村建顯為監。直明。忠圀從。建顯指揮而進退。忠圀從後門入。收二三郭。嘗約槍馬皆駐城外。而安藝編將某。嘗率夫卒警衛城郭。槍馬皆隨之。直明抵書院。詰藝家人背約。監吏仁賀保誠信。逐卻藝成。直

明進謂建顯曰。卿為我親戚。武道是非。不論親疎。嘗定禁槍馬。我固守之。而藝成不然。果監使所許矣。我將聞幕府。由是與建顯絕。以聞焉。他日。同族直丘開諭和解。翁章。○今按本書云。直明謂建顯曰。卿為我妹婿。云。譜略。建顯婦人者。松平近榮之女也。然非直明考。類聚武家盛衰記云。田村建顯為上使。水野勝種。松平直明為交接使。勝種卒。酒井忠圀代之。淺野綱長。直明六世直詔。養文恭公第二十九公。子齊宣為嗣。直詔賜諱字。改名齊詔。進從四位上。左近衛權少將。而老。齊宣嗣。加封邑二萬石。天保十五年卒。齊詔子慶憲嗣封。

野... 史... 卷七十六

野史卷七十六終

野史卷七十六終

野史卷七十七

德川公族列傳第一十三

性高公子

淨鑑公子

寂林公子

性高公子忠吉。東照宮第四子也。母贈從一位寶臺君。台德公同母弟也。柳營譜畧。營婦女傳。天正八年生。三松傳。○土屋忠兵衛初為東條松

飯田忠彦 修
男 文彦 訓點
竹中邦香 校

平宗忠嗣。稱名忠康。藩翰譜文祿元年二月。元服。譜叙從五位下。任下野守。稱族世良田。後改松平。譜是月。封忍城。武藏十萬石。御年譜庚子役。從東照宮于小山。追。上國軍起。為海道先隊。以井伊直政。本多忠勝。為監軍。而西上。抵清須。使福島正則。池田輝政。為先鋒。遣諸將攻岐阜城。聞師有利。忠康進騎。受織田秀信降。分兵戍岐阜城。

○按忠康到岐阜受降之事。諸書異同。今從藩翰譜。引加藤嘉明家記。及其士黑田某所記關原記。姑載焉。

忠康資性勇邁。娶井伊直政女。故直政親厚焉。九月十五日黎明。直政勸忠康督精兵三百俱攬先。正則家士可兒吉長扼之曰。我主已為先鋒。敢先者誰居。直政曰。我奉公子巡邏耳。曰。邏騎過。非制矣。直政不得已。顧老木俣右京曰。若勒我。乃與忠康以數十騎馳。會中軍螺起。前軍諸隊競進。戰移刻而息。偶島津義弘敗而走。直政尾之。忠康繼逐之。薩兵松井三郎兵衛邀戰。與相搏騎上。俱墜。遂殪之。而傷馬逸。直政士江坂某以已馬進。騎忠康。直政亦傷。墜騎。義弘終去。藩翰譜石直政稱揚曰。諺云。利鷹之雛。生而利。

也。宮筦爾曰。利鷹之爲利也。偏依鷹匠。譜、藩翰十月。封尾張。治清須城。藩翰譜、國史實錄六年三月。叙從四位下。任侍從。譜十年四月。陞從三位。任左近衛權中將。御年譜、藩翰更今名。藩翰譜十一年。改薩摩守。零、譜十二年二月。如東府。先是有疾。少愈。往館于大久保忠常。於是疾復動。台德公克友。以其同母而資又俊邁也。愛重尤至。日益憂苦甚。親往問之。使者項背相望。日夕審其狀。寢食隨報加損。藩翰譜、逸史三月五日。終。薨于忠常第。零、譜藩翰譜、藩翰譜、

○落穗集云。疾少瘳。發東府。薨于品川。○藩翰譜

作薨于芝浦。○土屋忠兵衛覺書云。薨于芝神明神主左近宅。
歲二十八。土屋覺書、武家譜法名憲瑩玄白。號性高院。祭名錄、鑑屍。忠吉好武。初入清須城。命大量城外四面町衢。每五町乃至十町栽樹木。蓋爲知巨銃間量也。鶴頭夜話忠吉之薨也。小笠原吉次命梓人。令造殉者棺四。或點其人。有石川監物。稻垣將監。中川清九郎三人。餘其一。恠問。吉次曰。如有餘則我殉耳。三人竟殉。或謂吉次。先是吉次子吉光忤忠吉旨。而幽居松島。陸與已七年。聞訃馳歸。入增上寺方丈而殉。其家人佐佐木記

內落穗集作佐喜藏。○今按京師誓願寺有小笠
名花玉。亦殉。實三月十七日也。落穗集、
淨鑑公子信吉。東照宮第五子。台德公之弟也。母妙
眞院秋山氏。譜
○按國史實錄。柳營婦女傳。並作武田晴信女。○
藩翰譜云。下山殿。穴山越前守虎康女。○三松傳
作見性院。今姑從柳營譜畧。及落穗集。
武田氏之亡也。穴山梅雪獻二女於東照宮。並得幸。
一女市河氏。一乃秋山氏。有身。天正十一年九月。生信
吉於濱松。落穗集、譜畧、稱字萬千代磨。冒武田氏。接

大三川志引御外戚傳云。信吉後稱武田五郎。御外
戚傳。又稱七郎云。德川家譜。源流綜貫。東遷基業。皆
作字。十八年十二月。封小金。總。田三萬石。命武田氏
遺士。附屬之。明年冬。母氏卒。譜畧、甲斐國志、賢性院尼者。武
田信玄女。爲穴山梅雪室。憐信吉幼而喪恃。收養之。
國志。信吉稟性多病。常幽居。文祿元年三月。徙封佐
倉城。○藩翰譜、逸史、並作邑四萬石。○柳營譜庚子
亂。在東府西城。藩翰譜、慶長七年十一月。轉封水戶城。
常陸二十五萬石。御年譜、八年九月十一日。卒。歲二十
一。譜畧、土屋覺書、實錄、法名英譽善香崇巖。號淨鑑院。譜畧、祭
土屋覺書作法、
名長譽水法、

寂林公子忠輝。東照宮第六子也。母朝覺院山田氏。三松傳、中興武家盛衰記、初嫁遠江金谷驛鎔工。容姿頗艷。鎔工爲人所殺。懷一女子。哀訴于濱松。東照宮見而愛之。賜名阿茶。文祿元年。生學。忠輝及松千代。是也。三松傳、盛衰記、○按三松傳。忠輝生有異貌。鰲面狐眼。宮異而棄之。皆川廣照撫育之。稱小字辰千代。曆盛衰記、蒲七歲。廣照懷令見。宮目之曰。面貌魁異。肖三郎稚顏。盛衰記、稍及八歲。長澤康忠卒。○今按三松傳、康忠以文祿二年十月卒、姑從譜、而無嗣。廣照與長澤士小野吉國議。請定忠輝爲長澤松平嗣。盛衰記、○按三松傳云、文祿二年、爲長澤松平嗣、長澤氏嗣、○柳營譜零、作慶長三年、

十一月、繼長澤氏、慶長七年十一月。賜佐倉城下。邑四萬石。譜零、三松傳、十二月。叙從五位下。任上總介。譜零、明年春。徙封川中島。信濃、城十八萬石。譜零、蒲川中島初稱待城。於是改字爲松城。徙皆川廣瀨于飯山。山田勝政于長沼。松平親宗于榎島。以隸忠輝。讓、十年四月。叙從四位下。任左近衛權少將。御年譜、三松傳、十一年冬。娶伊達正宗女。是爲天麟夫人。譜零、三松傳、忠輝年壯。暴戾亡度。嬖人花井義雄專怒。義雄本蕃夷種。或云、夷初字三九郎。美姿儀。好申樂。善擊小鼓。幼童時。因東照宮命屬忠輝。爲人便佞。母氏朝覺院愛重之。以其

所產鎔工之女配偶之。預聞國事。叙爵。稱遠江守。因母氏故。專恣威權。挾忠輝暴橫。廣瀨及勝政。親宗愁歎驟諫。且請逐群小。皆弗聽。廣瀨益憂。極力苦諫。猶弗悛。慶長十四年九月。親宗與勝政往駿府。白其實狀。忠輝聞之。東府馳如駿府。面陳亡辜。以誣諫臣。初官聞愬而曰。吁。三九郎以能申樂隸之。有誰命乎。恣預聞國務。可憎矣。乃召義雄。命對理。母氏亦聽之。目本多正純。媒藥之。十月。遂譴親宗。勝政並賜死。宥廣瀨死一等。徒流焉。藩翰譜逸史。盛衰記。十五年閏二月。轉封越後六十二萬石。治福島。○按藩翰譜作復治高田城。柳營譜畧作長岡三十二

萬石。○中興盛衰記作六以花井義雄為川中島城代。食邑六萬石。壤繼以新發田村上二城為附庸。逸史忠輝得大封。而後國無諫爭之臣。汰虐滋甚。沉溺酒色。始失愛於幕府。藩翰譜逸史十七年十二月。使松平重勝為傅。徙居三條城。藩翰譜三松傳十九年三月。治所福島苦熱隘。台德公命改城于高田。賦役於北陸奧羽諸國。逸史是冬。大坂兵起。留守東府西城。大坂物語。德川記。元和元年。大坂再起。令村上義明。溝口宣勝。更日為先鋒。忠輝為仙臺。及和部。勢部。濃部總督。自北陸發。到守山驛。有二騎士。並率從者。駢騎而過。忠輝部兵警之。二

騎不應將驅部下逐驅。二人棄馬陰匿民舍。部兵追到。遂殺二人。藩翰譜、盛衰記、○逸五月。諸軍由大和先進。忠輝爲督帥。次南都。忠輝素驍果。衆恐其過銳。而嬖人義雄怯懦。乃蠱惑忠輝。逗撓不前。伊達正宗馳使促之。義雄依違弗果。正宗以忠輝爲女婿也。恐其逗撓獲罪。先戰。回使者促之。忠輝乃發。義雄益懷畏懦。復勸徐其行。忠輝意欲戰。或諫曰。我客戰。未諳地理。且不識敵多寡。不如與諸將合謀。而進戰。忠輝可之。六日。戰罷。始達國分。藩翰譜、碎玉話、一柳直盛時隸師。恚不逮事。請追躡償功。弗聽。逸史、溝口宣勝與村上義

明。請忠輝曰。嘗奉先驅。不能接敵。甚悔不及。方今遙見旗幟。必敵矣。臣等偃幟橫秘而追躡。請以中軍繼之。忠輝問義雄等。僉不肯敵。遂去。宣勝謂忠輝左右曰。我酷愧堀丹後云。當此時。城兵布陳於平野。道明寺。長曾我部盛親俟日。晚不入城而去。是以旗幟猶遺在城外。落穗集、宿臣亦言之。皆弗聽。七日。亦軍散。而後忠輝到茶白山。入見官宮。不眄。左右白之。顧叱曰。女何爲。不知親之死者也。因指城兵南奔者。謂花井義雄曰。汝亦追鼠輩。且致首虜一二。忠輝赧汗而退。落穗集、八月。台德公凱旋。途長坂信次。愬忠輝殺其

弟東照宮抵水口。具聽其事於吏民。而得狀實。歸駿府。先是台德公已下命檢覈。忠輝出言不遜。公怒。忠輝驕恣。忠輝懼。欲治首徒平井三郎兵衛。安西右馬允二人致之。二人共亡。右馬簡封以愬于府。乃召義雄於府廳。對理未治。禁錮于駿。宮弗懌曰。予在。尚且專橫。矧百歲後乎。乃使松平勝隆繩忠輝。不悌違犯之罪。忠輝陳謝不屈。宮益忿。山田將監富永大學。請自誣以解罪。步士聞之。相謂曰。初事起我輩。今使隊長當之。不義也。乃選三人於諸隊。以致之。小澤松岡二人監護之。小澤謂縛之。松岡曰。該與佩刀。小澤曰。

禁錮之士。何用佩刀。迭論不果。一人走入寺曰。我輩非斬人者。爲主公誣。欲解罪。奚受縲紲之辱哉。請檢屍人而自殺矣耳。至是松岡致二人於駿。官愈不信。遣吏往越後覆按之。因治大坂逗撓之罪。及他不法事。譴責甚嚴。忠輝大懼。潘翰譜、盛元和二年三月。宮有疾。召母氏語。忠輝罪狀。辭色俱厲。母氏畏而退。以誠忠輝。忠輝益懼。欲詣駿府謝罪。不許入焉。自蒲原驛直寓臨濟寺。降食俟命。潘翰譜、逸史四月。東照宮薨。令九鬼守隆警衛寓處。三松傳、盛尋忠輝憑增上寺存應謝罪。弗聽。退寓于藤岡。上野、盛六月。姬花井義雄於

聖德太子傳
卷之七
七十七

笠間。武實錄、東七月。遷居淺草邸。盛衰記二日。論定罪奪封。放忠輝於朝熊。伊勢傳、藩翰譜三十四日。抵小田原。剃髮。歲二十五。藩翰譜、作八月十四日。達朝熊。入金剛證寺。無幾。遷居山下妙高菴。藩翰譜、盛衰記忠輝窺隙入。水調練或歷日。殺怖以聞。四年三月。徙高山。飛驒傳、三寬永三年四月。復徙諏訪。信濃傳、藩翰譜天和三年七月三日。遂卒于諏訪。歲九十二。譜零、三松傳、藩翰譜法名心譽。輝窓日仙。號寂林院。三松傳、祭名錄有子曰德千代。天。

○按柳營譜零云、元和二年七月十四日卒、歲十八、法名號見相院、○一說云、元和二年九月三日、天于岩槻、八歲、○宗廟祭名錄、寬永九年五月二十七日卒、法名珠光、清空、號朝生院、○武家勸懲錄云、元和

二年七月三日、自盡于岩槻、時十八歲



野史卷七十七

青政官
內庫

日
本
書
府

野史卷七十七終

野史
卷七十七

